

OODAHNUHMEÄHWINE NUHGUHMOOWINUN OWH DAVID.

PSALM I.

KAGATE keche-shahwandahgooze wah-owh ene-ne bamoosasig emuh ookuhgaundwawinewaung egewh maje-ezhewabezejig, kuha nahbahwesig emuh comeekunahwaung egewh maje-ezhechegajig; kuha namuhduhbesig emuh oodahpuhbewinewaung egewh buhyahpenuhdungig ahnuhmeähwin.

2 Oominwandaun dush Jehovah ootebahkoonegawin kuha oonahnahgahdahwandaun ootebahkoonegawin owh Kesha-Muhnedoo tabekudenigin kuha kahzhegudenegin.

3 Ezhewabeze debishkoo metik cheegahjewung padukkezood, owh manewid uhpe tabishkoosanig.

4 Kahween tahpeenahquese: nuhmunj edush anuhnookegwan tahmenoo-ezhewabudene.

5 Kahween oo-oo ezheähyahsewug egewh maje-ezhewabezejig: debishkoo shegooshkahjegun azhe-suhswawabahsechegahdag, me suh azheähyahwad.

6 Mesuh kaöonjequhyukookahbahwesigwah egewh maje-ezhewabezejig emuh keche-tebahkoonegawining: kuha egewh maje-ezhechegajig emuh kaduhzhe-mahwunjeëdewaud egewh quhyuk-azhe-wabezejig.

7 Kesha-Muhnedoo mah ookekandaun oodezhetwahwinewaun egewh manoo-ezhewabezejig: oodezhetwahwinewaun dush ween egewh maje-ezhewabezejig tabbuhnahdudene.

PSALM II.

AHNISHWIN keche-nishkahdezewaud egewh anuhmeähsegoog weedookuhdahdewaud: kuha dush egewh ahnishenahbag ahnishwin nahnahgahdahwanduhmoowaud kuhkebahdezewin?

2 Uhkeeng duhzhe oogemaug uhyeenduhbeëde-